

Намознинг афзал амали?

05:00 / 09.01.2017 4537

Жобир розияллоҳу анҳудан ривоят қилинади:

«Расулуллоҳ соллаллоҳу алайҳи васалламдан:

«Намознинг нимаси афзал?» деб сўралди. У зот:

«Қунутнинг узун», дедилар».

Муслим, Термизий ривоят қилган.

Абу Довуд келтирган ривоятда:

«Набий соллаллоҳу алайҳи васалламдан:

«Амалларнинг қайси бири афзал?» деб сўралди.

«Қиёмнинг узун», дедилар», дейилган.

Шарҳ: Маълумки, «Қунут» дуоси ҳам намозда тик туриб ўқилади. Намозда қиёмни узоқ қилиш унинг энг афзал амали, дейишлик ушбу ҳадисдан олинган.

Абу ҳанифа ва Шофеъий раҳматуллоҳи алайҳилар шу гапни ушлаганлар.

Бошқалар эса олдинги ҳадислардаги сажданинг фазли ҳақидаги гапларни ушлаб, намознинг энг яхши, энг афзал амали сажда, деганлар.